

CAL. *Perianthium* oblongum, tubulatum vel obverse ovatum, decem-striatum; ore tridentato (interdum 4 dentato) *dentibus* obsolete, obtusiusculis, subinæqualibus; persistens &c. secund. Msc. descript.

Drupe uvæ imitantur figura externa; maturæ ferè candidæ sunt & pellucidæ, margaritarum instar. Proxima videtur Characteri Cordiæ. Gen. Pl. 1002.

β) *Cariquilla madro* nom. vulg. i Lantana.

CAL. &c. conf. Msc. descr.

γ) *Cariquillo prieto*.

CAL. &c. conf. Msc. descr.

δ) . . .

89. CAPSICUM. Gen. Pl. 195.

STAM. . . . *Anthera* . . . longitudinaliter dehiscens. Hinc vix connivent *Antheræ*.

90. SOLANUM. Gen. Pl. 196.

STAM. . . . *Anthera* . . . apice punctis duobus dehiscentes.

Nota. In omnibus, quas vidi hujus Generis speciebus in America, *Anthera* apice fuere perforatæ, non vero ibidem omnes conniventes nec contingentes.

91. CESTRUM. Gen. Pl. 188.

In specie Cestri floribus sessilibus Spec. Pl. 191. 2. quæ hic Hediondo h. e. fœtida audit, (nescio cur), stamina vidi omnino sine denticulis introrsum emissis.

Præter baccam, a Lycio distingvi videtur staminibus, corollæ tubo toti longitudinaliter affixis.

92. CONOCARPUS. Gen. Pl. 193.

Flores omnes in capitulo globofo collecti, hermaphroditi sunt.